

## **Prestación Patrimonial de carácter público non tributario pola prestación do servizo público de tratamento e depuración de augas residuais**

### **Artigo 1º: -FUNDAMENTO E OBXECTO**

1. En uso da facultade concedida polo artigo 31.3 da Constitución e polo artigo 105.2 da Lei 7/1985, de 2 de abril, Reguladora das Bases do Réxime Local, e de conformidade co disposto no artigo 20.6 do Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais, el Concello de Cambre establece unha prestación patrimonial de carácter público non tributario como contraprestación pola prestación do servizo público de tratamento e depuración de augas residuais no termo municipal de Cambre, que se rexerá pola presente Ordenanza.

A prestación patrimonial de carácter público non tributario que se regula na presente ordenanza terá carácter coactivo e será exixida sempre que se presten algúns dos servizos públicos que se relacionan no apartado seguinte.

As tarifas e demais dereitos económicos pola prestación dos servizos que se citan no apartado seguinte, teñen a condición de prestacións patrimoniais de carácter público non tributario, de acordo co artigo 20.6 do TRLHL, en redacción dada pola Lei 9/2017, de 8 de novembro, de Contratos do Sector Público.

2. É obxecto desta prestación patrimonial, o tratamento e depuración de augas residuais. Así como a recepción, vertedura e tratamento de residuos procedentes de pozos negros, en la estación depuradora de augas residuales de BENS.

Este servizo se presta pola entidade EDAR BENS SA, sociedade mercantil de capital público.

En xeral, todos aqueles servizos propios obxecto desta Ordenanza que sexan provocados polos interesados ou que especialmente redunden no seu beneficio, aínda cando estes non solicitaren a prestación, e que, sendo de competencia municipal, teñan carácter obrigatorio en virtude de precepto legal ou regulamentario.

### **Artigo 2º.- OBRIGADOS AO PAGO**

1.-Están obrigados ao pago os titulares do contrato de suministro de auga potable, solicitantes ou destinatarios do servizo, entre os que se incluírán os que utilicen pozos ou captacións subterráneas propias.

2.-Serán responsables subsidiarios do pago, os propietarios destes inmobles, os cales poderán repercutir, no seu caso, as cotas satisfeitas sobre os respectivos beneficiarios do servizo.

### **Artigo 3º.- CUANTIFICACIÓN DAS TARIFAS**

1.1.- Polo servizo de tratamento e depuración de excretas, augas pluviais, negras e residuais, establécese unha tarifa que se determinará mediante a suma dunha cantidade variable, resultante de multiplicar os m<sup>3</sup> de auga consumida pola cota que corresponda de acordo co cadro que se achega, e unha cantidade fixa, por dispoñibilidade do servizo; así:

**Consumos uso doméstico:**

Sen consumo	0,00 € / m <sup>3</sup>
Bloque 1 (0 < Q ≤ 6 m <sup>3</sup> /mes)	0,28 € / m <sup>3</sup>
Bloque 2 (6 < Q ≤ 15 m <sup>3</sup> /mes)	0,28 € / m <sup>3</sup>
Bloque 3 (Q > 15 m <sup>3</sup> /mes)	0,28 € / m <sup>3</sup>

**Compoñente variable**

**Consumos uso non doméstico:**

Asimilable a doméstico	0,28 € / m <sup>3</sup>
Non doméstico	0,35 € / m <sup>3</sup>

**Compoñente variable**

**Usuarios domésticos:**

0,50 € / mes

**Usuarios non domésticos:**

0,50 € / mes

**Compoñente fixa**

As tarifas anteriores veranse incrementadas, no seu caso, co IVE vixente en cada momento.

Será de aplicación a estas tarifas a refacturación por avaría coa finalidade de corrixir unha facturación excesiva por un consumo anómalo ou desproporcionado de auga doméstica, motivada por avaría na rede interior da vivenda, nos termos establecidos pola Xunta de Galicia.

A estes efectos, entenderase por uso doméstico, non doméstico e asimilable a doméstico, o definido para tales conceptos polo artigo 2 da Lei 9/2010, de Augas de Galicia.

1.2.- A tarifa a esixir pola prestación dos servizos de evacuación de excretas, augas pluviais, negras e residuais a través da rede de sumidoiros municipal, e o seu tratamento para depuralas se as verteduras fecais se realizan de forma esporádica sen enganche á rede desde un depósito móbil, determinarase en función dos metros cúbicos de capacidade da cisterna ou depósito móbil desde o que se realice a vertedura, aplicándose a tarifa de 0,25 euros por metro cúbico.

A tal efecto, o obrigado ao pago deberá presentar a documentación pertinente relativa ao volume da vertedura no momento de solicitar a licenza.

Non estarán suxeitas ao pago das tarifas as fincas derruidas, declaradas ruinosas ou que teñan a condición de solar ou terreo.

**Artigo 4º.- TARIFAS REDUCIDAS E EXENTAS**

**A.** Aplicarase unha bonificación do 100% na tarifa recollida no artigo 3º da presente ordenanza, ás unidades de convivencia que acrediten atoparse en situación de exclusión social, entendendo por tal a formada por aquelas persoas que convivan nun mesmo domicilio e manteñan entre eles un vínculo por matrimonio ou análoga relación estable, por adopción ou acollemento, ou parentesco de consanguinidade ou afinidade ata o cuarto e segundo grao respectivamente.

Os requisitos que deben cumprir as unidades de convivencia para ter a condición de estar en risco de exclusión social serán as seguintes:

1. O enderezo para o cal se solicita a exención debe coincidir co enderezo en que está empadroada a unidade de convivencia.
2. O titular do contrato de subministración de auga potable deberá coincidir con algún dos membros da unidade familiar. Noutro caso, o solicitante deberá acreditar que é o pagador do recibo da taxa da auga.
3. Os ingresos totais da unidade de convivencia non poden superar o importe do indicador público de rendas de efectos múltiples (IPREM).
4. Polo menos unha das persoas da unidade de convivencia deberá estar en situación de exclusión social, por estar nalgunha das situacións que se enumeran a continuación:
  - a) Persoas perceptoras da renda de integración social.
  - b) Persoas perceptoras de pensións non contributivas nas modalidades de invalidez ou xubilación.
  - c) Persoas que non estando en ningún dos dous supostos anteriores teñan una ausencia ou déficit grave de recursos económicos unido a unha situación de desemprego ou imposibilidade de desempeñar un traballo remunerado e que conten con outros factores, evidenciados a través da súa traxectoria persoal, que agraven a situación de exclusión social ou o risco de padecela, recoñecidos na lexislación vixente da Comunidade Autónoma de Galicia.

**B.** Aplicarase unha bonificación do 50% na tarifa recollida no artigo 3º da presente ordenanza aos usos destinados a vivenda habitual das familias numerosas, non concedéndose respecto das restantes vivendas que poida ter calquera dos membros que constitúan a familia numerosa.

A bonificación nas tarifas aplicarase sempre que se cumpran os seguintes requisitos:

- a) O enderezo para o cal se solicita a dedución debe coincidir co enderezo en que está empadroada a unidade familiar.
- b) O titular do contrato de subministración de auga potable debe coincidir con algún dos membros da unidade familiar. Noutro caso, o solicitante deberá acreditar que ten domiciliado o pagamento do recibo da taxa de auga nalgunha conta bancaria da que sexa titular.

**C.** O recoñecemento das bonificacións contidas nos parágrafos anteriores realizarase por resolución do órgano municipal competente á vista dos recoñecementos das mesmas polo organismo autonómico competente na cota íntegra do canon do auga ao abeiro do disposto no Decreto 136/2012, de 31 de maio, polo que se aproba o Regulamento do Canon do auga e do coeficiente de verteduras a sistemas públicos de depuración de augas residuais.

## **Artigo 5º.- OBRIGACIÓN DE PAGO**

1. A obriga do pago dos importes das tarifas nace na data de presentación da oportuna solicitude da licenza de acometida ou de vertido esporádico sen enganche á rede, se o suxeito pasivo a formulase expresamente e na data que teña lugar a efectiva acometida, en caso de non existir solicitude ou concesión de licenza; sen prexuízo da iniciación do expediente administrativo que poida instruírse para a súa autorización.

2. Os servizos de evacuación de excretas, augas pluviais, negras e residuais, e da súa depuración, teñen carácter obrigatorio para todas as fincas do municipio que teñan fachadas a rúas, prazas ou vías públicas en que exista rede de sumidoiros, sempre que a distancia entre a rede e a finca no exceda de cen metros, e será obrigatoria a tarifa de depuración aínda cando os interesados non procedan a efectuar a acometida á rede.

#### **Artigo 6º.- NORMAS DE XESTIÓN**

Unha vez autorizada a acometida, o cobro da tarifa realizarase trimestralmente, conxuntamente coa taxa do servizo de abastecemento domiciliario de auga potable e prestación do servizo de rede de sumidoiros, entendéndose efectuada a notificación das cotas coa publicación polo Concello do correspondente padrón trimestral da auga.

**DISPOSICIÓN FINAL:** A presente Ordenanza entrará en vigor a partir do día seguinte á publicación do anuncio no Boletín Oficial da Provincia da súa aprobación definitiva, e manterase vixente ata a súa modificación ou derogación expresa.